



**KONTRATA KORNIZË**  
**PËR ALOKIMIN E KAPACITETIT INTERKONEKTIV TË SISTEMIT TË TRANSMISIONIT**  
**TË KOSOVËS NDËRMJET**  
**OPERATORI I SISTEMIT, TRANSMISIONIT DHE TREGUT, SH.A DHE [PALA**  
**KONTRAKTUESE PËR KAPACITET]**

Nr. .... / .....

**1 PALËT KONTRAKTUESE**

**OPERATORI I SISTEMIT, TRANSMISIONIT DHE TREGUT, KOSTT SH.A.**, kompani e themeluar në bazë të legjislacionit të Kosovës, me nr. të regjistrimit të biznesit 70325350, selia e së cilës është e regjistruar në Rr. Isa Boletini nr.39, 10000 Prishtinë, Republika e Kosovës;

dhe

**[PALA KONTRAKTUESE E KAPACITETIT]**, kompani me selinë ....., e regjistruar me [Zyra e Regjistrimit Tregtar] me nr. ...., Kodi Unik i Regjistrimit nr. ...., IBAN llogaria bankare ....., e hapur në ....., e përfaqësuar nga ....., duke vepruar si Palë Kontraktuese e Kapacitetit, (tutje e quajtur “PKK”)

Tutje të dyja të quajtura *palët*.

Duke marrë parasysh:

1. Kërkesën nr..... e PKK lidhur me regjistrimin si pjesëmarrës në ankandet për alokimin e kapacitetit interkonektiv të Sistemit të Transmisionit të Kosovës.
2. Licencën nr..... të PKK për tregtimin, gjenerimin ose furnizimin e energjisë elektrike.
3. Procedurën operative “PR-MO-001 Procedura për Alokimin e Kapaciteteve Interkonektive”.
4. Dispozitat e Rregullave të Tregut siç janë të miratuara aktualisht nga ZRrE.
5. Dispozitat e Kodit të Rrjetit siç janë aktualisht të miratuara nga ZRrE.

*Palët pajtohen për sa vijon:*

## **2 OBJEKTI I KONTRATËS**

- 2.1 Objekti i kontratës përbëhet nga alokimi i kapacitetit interkonektiv të Sistemit të Transmisionit të Kosovës nga KOSTT sipas kushteve të procedurës operative “PR-MO-001 Procedura për Alokimin e Kapaciteteve Interkonektive, tutje *Procedura*, dhe rregullores për marrëdhëniet ndërmjet palëve në lidhje me obligimet financiare dhe metodat e pagesës për shërbimet e kryera.
- 2.2 PKK kupton dhe pajtohet me faktin se e drejta e qasjes në çfarëdo pike të interkoneksionit të Sistemit të Transmisionit të Kosovës mund të jepen vetëm me kusht që PKK ka të alokuar kapacitetin ineterkonektiv në pikën përkatëse sipas Procedurës.

## **3 OBLIGIMET E PALËS KONTRAKTUESE TË KAPACITETIT**

### **3.1 PAJTUESHMËRIA ME PROCEDURË**

- 3.1.1 Me nënshkrimin e kësaj kontrate, PKK ndërmerr masat që të jetë në pajtueshmëri dhe të pranoj të gjitha përgjegjësitë dhe obligimet e përcaktuara në këtë Procedurë.

### **3.2 REGJISTRIMI**

- 3.2.1 PKK që dëshiron të jetë fituese e PTR duhet të paraqesë kërkesë për regjistrim.
- 3.2.2 Nëse paraqitet ndonjë ndryshim në të dhënat identifikuese të PKK, PKK ndërmerr masa që menjëherë të njoftoj KOSTT me shkrim në mënyrë që të azhurnohet Regjistri i Ankandit.

### **3.3 PAGESA E FATURAVE**

- 3.3.1 PKK ndërmerr masat që të paguaj tërësisht dhe sipas afatit faturat e lëshuara nga KOSTT. Duke dorëzuar një ofertë për kapacitetin interkonektiv, PKK merr obligimin që të paguaj nëse ka sukses.
- 3.3.2 PKK do të kryej pagesën për rezervimin e së drejtës së kapacitetit për secilin kufi, drejtimin dhe periudhën për të drejtën e caktuar (PPTR) në ankandet vjetore, mujore, ditore.

## **4 TË DREJTAT E PALËS KONTRAKTUESE TË KAPACITETIT**

### **4.1 PJESËMARRJA NË ANKAND**

- 4.1.1 PKK ka të drejtë të marrë pjesë në ankandet e organizuara për alokimin e kapacitetit interkonektiv në pajtim me dispozitat e Procedurës.

### **4.2 TËRHEQJA E STATUSIT TË PJESËMARRËSIT TË ANKANDIT**

- 4.2.1 Nëse PKK nuk dëshiron që edhe më tutje të jetë i regjistruar si pjesëmarrës i ankandit, është e obliguar të njoftoj KOSTT me shkrim në një format sipas Procedurës.

### **4.3 PËRDORIMI DHE TRANSFERI I KAPACITETIT TË KONTRAKTUAR**

- 4.3.1 Kapaciteti interkonektiv i caktuar në ankande dhe i kontraktuar me këtë kontratë mund të transferohet tërësisht ose pjesërisht te një pjesëmarrës tjetër i regjistruar sipas Procedurës.

4.3.2 PKK ka të drejtë të përdorë kapacitetin interkonektiv të marrë sipas kushteve të përcaktuara në Procedurë.

4.3.3 PKK mund të transferojë PTR-në e tyre të dhënë në ankand vjetor ose mujor tek një Pjesëmarrës tjetër. Një transferim i tillë mund të bëhet për shumën e plotë ose një pjesë të kapacitetit të dhënë në pajtueshmëri me përcaktimet në Procedurë.

## **5 OBLIGIMET E KOSTT**

### **5.1 PAJTUESHMËRIA ME PROCEDURËN E ALOKIMIT**

5.1.1 KOSTT është i obliguar të jetë në pajtueshmëri me përcaktimet në Procedurë.

### **5.2 REGJISTRIMI**

5.2.1 KOSTT është i obliguar të regjistroj PKK në Regjistrin e Ankandit dhe njoftoj palët e interesuara, në pajtim me përcaktimet në Procedurë.

### **5.3 ALOKIMI I KAPACITETIT TË DISPONUESHËM PËR TRANSFER**

5.3.1 KOSTT do të alokoj Kapacitetin e Disponueshëm Transferues (ang. Available Transfer Capacity - ATC) për PKK vetëm në pajtim me Procedurën.

5.3.2 Kapaciteti i Kontraktuar është jo-definitiv në rast të kushteve të pa pritura të rrjetit ose situatat emergjente në sistemin elektroenergjetik të Kosovës ose vendeve fqinje që rezulton në shkurtimin ose anulimin e të drejtave të përdorimit të Kapacitetit të Kontraktuar nga KOSTT në pajtueshmëri me përcaktimet në Procedurë.

### **5.4 FATURIMI**

5.4.1 Pas ankandit, KOSTT është i obliguar të lëshoj faturën e cila përmban vlerën e kapacitetit të alokuar për PKK nga ankandi dhe çmimi i ankandit. Në rast të ankandeve vjetore, fatura lëshohet në baza mujore, siç përcaktohet në nenin 7 të MKAK.

## **6 TË DREJTAT E KOSTT**

### **6.1 DE AKTIVIZIMI I PKK**

6.1.1 Nëse PKK nuk përmbush obligimet e përcaktuara në këtë kontratë, KOSTT ka të drejtë të deaktivizoj PKK me një njoftim paraprak prej dy (2) jave. Nëse PKK përmbush obligimet e veta brenda afatit të specifikuar në njoftim paraprak, KOSTT menjëherë do ta riaktivizoj atë. PKK rimerr të gjitha të drejtat dhe obligimet e veta me ri-aktivizim.

### **6.2 REVOKIMI I NJË PJESËMARRËSI TË ANKANDIT**

6.2.1 KOSTT ka të drejtë të revokoj atributin e PKK si pjesëmarrës i ankandit, nëse PKK:

- a) Bankroton ose është në likuidim ligjor;
- b) Nuk përmbush obligimet e veta në baza të rregullta;
- c) Është deaktivizuar dhe ka tejkaluar afatin e caktuar për përmbushjen e obligimeve të

mbetura;

d) Është gjetur të jetë në shkelje të Kapitullit 3.4 të Rregullave të Tregut;

e) I është revokuar licenca nga ZRRë: ose

f) Vendos të heq dorë nga statusi i tij i pjesëmarrësit të ankandit.

6.2.2 Revokimi i atributit të PKK si pjesëmarrës i ankandit është një arsye për anulimin e kësaj Kontrate.

### **6.3 PAGESA E FATURËS**

6.3.1 KOSTT ka të drejtë inkasoj tërësisht dhe me kohë faturat e lëshuara për PKK lidhur me kapacitetin e kontraktuar si pasojë e implementimit të Procedurës.

## **7 FATURIMI DHE PAGESA**

### **7.1 FATURIMI**

7.1.1 Brenda dy (2) dite të punës nga data e ankandit dhe jo më vonë se dhjetë (10) ditë para fillimit të muajit vijues, përkatësisht muajit në të cilin ushtrohet e drejta për të përdorur kapacitetin ndërkufitar të alokuar, KOSTT do të lëshoj një pro-faturë për PKK për të drejtën e kapacitetit në ankandet vjetore dhe mujore. Fatura do t'i dërgohet me email PKK, ndërsa origjinali me postë.

7.1.2 Fatura për muajin përkatës në ankand vjetor duhet të dorëzohet jo më vonë se dita e 25-të e muajit paraprak të muajit të shfrytëzimit të kapacitetit.

7.1.3 Fatura për kapacitetin e alokuar në ankand ditor do të dorëzohet pas përfundimit të muajit në të cilin është përdorur kapaciteti.

7.1.4 PPTR i alokuar për pjesëmarrësit në ankandet mujore, vjetore, do të llogaritet çdo muaj, sipas formulave nga neni 7.7.9 të Procedurës.

7.1.5 Udhëzimet e pagesës do të shënohen në pro-faturën/faturën.

### **7.2 PAGESA**

7.2.1 Për të përdorur të drejtën e kapacitetit të alokuar në ankandet vjetore dhe mujore, PKK do të bëjë pagesën e të gjitha detyrimeve të duhura ndaj KOSTT, paraprakisht, për çdo muaj, në shumën dhe mënyrën e deklaruar në pro-faturën / faturën.

7.2.2 PKK do të bëjë pagesën për rezervimin e së drejtës së kapacitetit për çdo kufi, drejtim dhe periudhë (PPTR) për të drejtën e alokimit në ankandet vjetore dhe mujore në përputhje me procedurën.

7.2.3 Pro-fatura / fatura do të paguhet plotësisht nga PKK jo më vonë se 5 ditë nga data e pranimit të faturës. Pagesa konsiderohet e realizuar kur paratë depozitohen në llogarinë bankare të KOSTT.

7.2.4 Në rast të vonësës së pagesës, KOSTT do të ngarkojë PKK me normën e interesit ligjor të llogaritur në përputhje me ligjin.

- 7.2.5 PKK do të paguajë shumën totale të deklaruar në faturë brenda afatit të përcaktuar, pa të drejtën e kompensimit, përkatësisht barazimit, nëse KOSTT ka ndonjë detyrim të pazgjidhur ndaj PKK në çfarëdo baze.
- 7.2.6 Nëse PKK dështon të shlyejë detyrimet e veta financiare sipas kësaj kontrate, në drejtim të KOSTT brenda afatit të përcaktuar, KOSTT do të ketë të drejtë të pezulloj PKK-së të drejtën për programet e nominuara, të ekzekutoj caktimin e kapaciteteve, të përdorë kapacitetin e alokuar dhe të marr pjesë në të gjitha ankandet e kapaciteteve, përfshirë alokimi intraditor i të drejtës së kapacitetit, derisa detyrimet e tij të përcaktohen sipas procedurave.
- 7.2.7 (1) nëse ndonjë shumë e faturuar kontestohet tërësisht apo pjesërisht nga PKK, PKK do të paguaj tërë shumën sipas kushteve të Nenit 7.2 dhe do të dorëzoj një shkresë sqaruese e cila paraqet kundërshtimet e saj për KOSTT, brenda 3 ditë të punës nga data e pranimit. KOSTT shqyrton kërkesën e pranuar dhe dërgon përgjigjen e saj në lidhje me kërkesën e PKK brenda 3 ditëve të punës nga data e pranimit të saj.
- (2) Çfarëdo përmirësimi ose rregullimi i cili rezulton nga zgjidhja miqësore e kërkesës ose nga vendimi përfundimtar i gjyqit do të zbatohet brenda 5 dite të punës nga data e zgjidhjes së kontestit.

## **8 LIGJI I APLIKUESHËM**

- 8.1 Kjo kontratë është përpiluar dhe e kushtëzuar me Legjislacionin Kosovar.
- 8.2 Çfarëdo kontesti që del nga përpilimi dhe/ose zbatimi i kësaj kontrate, i cili nuk mund të zgjidhet në mënyrë miqësore, do të dorëzohet dhe zgjidhet në gjykatë.
- 8.3 Nëse ndonjë dispozitë e kësaj kontrate apo anekset e saj bien në konflikt me ndonjë dispozitë të Rregullave të Tregut ose Kodit të Rrjetit të Transmetimit, dispozitat e aplikueshme të Rregullave të Tregut ose Kodit të Rrjetit të Transmetimit do të mbizotërojnë.
- 8.4 Rezultati i ankandit mund të ankimohet te ZRrE nga PKK nëse dispozitat e procedurës nuk janë vënë në fuqi.

## **9 DISPOZITAT E PËRGJITHSHME**

### **9.1 DOKUMENTET E KONTRATËS**

Aneksi 1 është pjesë e kësaj kontrate.

### **9.2 NJOFTIMET**

- 9.2.1 Personat e autorizuar për implementimin e kësaj kontrate janë përcaktuar në Aneksin nr. 1.
- 9.2.2 Palët marrin masa që të mundësojnë që personat kontaktues të përcaktuar në Aneksin nr. 1 të mund të kontaktohen me telefon ose në ndonjë mënyrë tjetër të përshkruar në Aneks.
- 9.2.3 Secila palë duhet të njoftoj tjetrën me shkrim për çfarëdo ndryshimi në informatat kontaktuese të

përshkruara në Aneksin nr. 1 së paku brenda shtatë (7) ditëve të punës para se ndryshimi të hyn në fuqi.

### **9.3 KOHËZGJATJA**

9.3.1 Kjo kontratë bëhet efektive në datën e nënshkrimit të saj nga të dyja palët. Kjo kontratë është efektive deri në anulimin e saj nga cilado palë, sipas dispozitave të Nenit 9.5 të kësaj kontrate ose derisa PKK të njoftoj për anulimin e saj.

### **9.4 REVIDIMI I KONTRATËS**

9.4.1 Nëse propozohet nga ndonjë nga palët, kontrata e nënshkruar nga të dy palët mund të rinovohet, ndryshohet ose plotësohet me adendum, gjithashtu për të përfshirë dispozitat ligjore pas nënshkrimit të saj. Çfarëdo ndryshimi i dispozitave të kësaj kontrate mund të bëhet me adendum.

9.4.2 Palët pajtohen për revidimin e kësaj kontrate pas kërkesës me shkrim të ndonjërës prej palëve nëse:

- a) Operimi i Sistemit të Transmisionit të Kosovës jo favorshëm ndikohet me implementimin e kësaj Kontrate;
- b) Paraqiten rrethana apo dispozita të reja ligjore të cilat drejtpërdrejtë ose tërthorazi ndikojnë jo favorshëm në aftësinë e palës për të implementuar këtë Kontratë.

### **9.5 ANULIMI**

9.5.1 Nëse Palët nuk pranojnë ndryshimin e kontratës brenda katërmëdhjetë (14) ditëve kalendarike nga data e dorëzimit të kërkesës me shkrim, në pajtim me dispozitat e Nenit 9.4 të kësaj kontrate, të dërguar nga njëra palë për tjetrën, cilado palë mund të anuloj këtë kontratë njëanshëm për arsyen, obligimet aktuale të pagesës bëhen efektive menjëherë ose në datën e caktuar nga KOSTT në njoftimin për mbyllje.

9.5.2 Çfarëdo faji i cilëso do palë lidhur me ndonjë obligim i cili rezulton nga ose përcaktohet në këtë Kontratë, pa qenë dëmtues për ndonjë nga të drejtat e tyre, do t'i jep palës tjetër të drejtën që njëanshëm të anuloj këtë kontratë brenda nëntëdhjetë (90) ditëve kalendarike prej datës së njoftimit me postë, të regjistruar nga pala fajtoare, ose kushtëzuar nga pala fajtoare në mënyrë që të mbuloj humbjen brenda tridhjetë (30) dite kalendarike nga koha e njoftimit.

9.5.3 Kjo kontratë konsiderohet e anuluar në rast të tërheqjes së PKK ose datës së revokimit kur tërheqja ose revokimi bëhen efektive.

9.5.4 KOSTT mund, pa dëmtuar ndonjë nga të drejtat e veta, njëanshëm të anuloj këtë Kontratë me njoftimin e regjistruar, i cili bëhet efektiv brenda tridhjetë (30) ditëve nga data e prezantimit të tij ose nga data pasuese e përcaktuar nga ofruesi në situatat vijuese:

- a) PKK nuk është në gjendjetë përmbushë përgjegjësitë e veta si përcaktohet në Kapitullin 3 të kësaj Kontrate.
- b) PKK nuk është në gjendjetë përmbush obligimet e veta të pagesës si përcaktohet në Kapitullin 7 të kësaj Kontrate;

- c) Suspendimi ose tërheqja e ndonjë autorizimi, licence ose miratimi për PKK për të kryer aktivitetin e vet komercial sipas Kapitullit 9.10 të kësaj Kontrate;
- d) PKK ka humbur statusin e vetë të pjesëtarit të ankandit, sipas kushteve të procedurës;
- e) Bankrotimit të PKK ose ndonjë veprimi tjetër ligjor bazuar në likuiditetin e PKK ose vështirësitë financiare, procedurat e likuidimit ose ndarjes së PKK në dy kompani;
- f) Aktiviteti komercial dhe/ose teknik i PKK shpie në kërcënimin e sigurisë së operimit të sistemit të transmetimit.

## 9.6 FORCA MADHORE

- 9.6.1 Palët nuk do të jenë përgjegjëse për mos-përmbushjen e tërësishme ose të pjesërishme të obligimeve që dalin nga kjo kontratë, nëse mos-përmbushja e obligimeve është shkaktuar nga një situatë e Forcës Madhore. Rrethanat e Forcës Madhore janë ato të cilat mund të paraqiten gjatë implementimit të kësaj Kontrate, si rezultat i ngjarjeve të pa parashikueshme, si veprimet nga natyra, luftës, embargos të cilat kanë qenë të pa parashikueshme nga palët me nënshkrimin e Kontratës dhe janë përtej dëshirës ose kontrollit të palëve.
- 9.6.2 Pala e cila deklaron për situatën e Forcës Madhore duhet të njoftoj palën tjetër me shkrim brenda 48 orëve të shfaqjes së situatës së Forcës Madhore, gjithashtu vlerësimi i periudhës kohore kur efektet e saj pushojnë, me një afat për konfirmim prej pesë (5) ditë të punës për konfirmim për autoritetet e emëruara të konfirmojnë situatën e Forcës Madhore në lokacionin e ndodhjes së saj.
- 9.6.3 Mos përmbushja e obligimit për të njoftuar shfaqjen e situatës së Forcës Madhore nuk anulon efektin e shkarkimit të përgjegjësive të veta, por përfshinë obligimin e palës e cila ka pasur të prezantoj njoftimin, për të mbuluar dëmet e shkaktuara palës tjetër për shkak të mos komunikimit.

## 9.7 KONFIDENCIALITETI

- 9.7.1 Palët do të mbajnë dispozitat e kësaj kontrate strikt në konfidencë si dhe çfarëdo dokumenti tjetër dhe/ose pjesë të informatës të shkëmbyer nga palët në lidhje me këtë Kontratë. Përrjashtim nga kjo bën:
  - 1) Informatat e kërkuara nga autoritetet, sipas legjislacionit aktual;
  - 2) Informatat të cilat janë bërë njohuri publike para nënshkrimit të Kontratës.
- 9.7.2 KOSTT lejohet dhe PKK pajtohet të komunikohet plotësisht ose pjesërisht ndonjë përcaktim konfidencial, dokumenti dhe/ose pjesa e informatës për të gjithë operatorët tjerë të rrjetit, sipas Rregullave të Tregut, Kodit të Rrjetit të Transmetimit dhe rregulloreve tjera ndërkombëtare, kur kjo kërkohet me qëllim të garantimit të sigurisë dhe besueshmërisë së operimit të Sistemit të Transmetimit të Kosovës ose sistemeve të transmisionit të vendeve fqinje.

## 9.8 DËMTIMET

- 9.8.1 Asnjëra palë nuk është përgjegjëse për humbjen, e as dëmtimin, e shkaktuar palës tjetër, përveç situatave kur ka vepruar me qëllim, përfshirë dështimin e qëllimshëm për të vepruar, ose me neglizhencë të madhe.

9.8.2 Për mos përmbushjen e pjesshme ose tërësishme të obligimeve të tyre si përcaktohet në këtë kontratë, palët janë përgjegjëse sipas legjislacionit aktual.

## 9.9 PAVLEFSHMËRIA

9.9.1 Pavlefshmëria e një ose më shumë dispozitave të kësaj Kontrate nuk do të prish vlefshmërinë e dispozitave tjera.

## 9.10 LICENCAT DHE KONTRATAT

9.10.1 Gjatë implementimit të kësaj kontrate, PKK duhet të posedoj, në çdo kohë, të gjitha autorizimet, licencat ose/dhe miratimet e nevojshme për të kryer obligimet ose të drejtat e veta si përcaktohet në këtë Kontratë.

9.10.2 Kjo Kontratë bëhet efektive në datën e nënshkrimit të saj.

9.10.3 Kjo kontratë është përgatitur dhe nënshkruar në dy kopje origjinale, nga një kopje për KOSTT dhe një për PKK.

**OPERATORI I SISTEMIT, TRANSMISIONIT  
DHE TREGUT, SH. A**

**PALA KONTRAKTUESE E KAPACITETIT**

Data

Data





## **Aneksi 1 i MKAK:**

### PERSONAT KONTAKTUES DHE INFORMATAT KOMERCIALE

#### **Kontakti Komercial:**

Emri:

Telefoni:

e-maili:

Telefoni mobil:

#### **Kontakti Teknik:**

Emri:

Telefoni:

e-maili:

Telefoni mobil: